

# International Boreal Conservation Science Panel

June 13, 2012

## **Nunatsiavut kavamanganut, amma kavamanganut Newfoundland Labradorilu pidjutigidlugu kingullipânga akkisuttauninganut Labrador Inuit Satusajanganik nuna-atuttaugumajuk-kanuilinganialimmangât:**

Sollu sunatuinnanik kamajet ikajusimajut mitsanut sunatuinnanik tukisigasualdutiik tamakkunangat paitsigumanimut pimmagiujunik isumagijauluattunik amma pivitsautigijausonik ilonnagut silatsuak, kujannamevugut Tamânejugalait Atuinnagguttisitillugit Angajukaukatigenginnik tamatsuminga pijagenninganut Tamânigalak Nunak Atuttauninganut Atuinnaguttisisimmammata ukununga Labrador Inuit Satusajanganik (LISA)-mik.

Una nunak atuttaugumajuk kanuilinganialimmangât atuinnaguttitausimajuk nittutaujutsauvuk pimmagittumik sollu nunatsuak itsagillugu taimâk adjigetisigajammat pivitsakattisigajammatu tamakkununga pivinnatunut pivalliagamik paigijauniammata Inuit ilukkusinginut pimmagiugijanginnik amma avatigalangingnejut ilagiallugulu paitsigiamat tamatsuminga 14,000 km piagattâvinganik George River tuttunginnut.

Uppivugullu tamanna nunak-atuttauningata kanuilinganialimmangât nittutaujutsaumijuk inokatigenut ikajuttauluni, ammalu piluattumik, pikkulutit tiguagillugu pikkujanga *Maligangauluak Iningani - 2 George River Tuttunginnut Piagattâvigiluakattatangani* tugagijaujuk paigigiangit piagattavet tamakkununga George River Tuttunginnut.

Sollu sunatuinnanik kamajingit, kaujimavugut avatigijanganik, sunatuinnalimmik, amma ilusitukaujunginillu tamakkua George River Tuttunginnik. Tamna tuttungit ahatsiamagik pimmagiujuk tamakkununga Nunakakkasimajut inunginnut tamainni Labradorip Quebec-lu. Tamakkua nunalitukait atatsainatut tamakkununga tuttungit siagutsuanit kinguvanginnut. Nalungilagullu tamakkua George River tuttungit siagu atausiadlutik ununnipauluttut silatsuame, numarakadlutik unuluaniik 800,000 tamaita sivungani 1990-tet, ammalu isumammagimijavut tapkua mâna ununnigilittangit imaittolit 50,000 omajuit kivkatudlutillu ikillivalliatunik allat 90%-tut. Tapkua piagattavigikattangit tamakkununga nosimalittuk jariukKaujuni kingullikullu jarini kisimik ikittuit piagittaviukattatut Quebec-mi Labradorimillonet pitâttitausimalittut initsanginnut paitsiviunitsanginnik.

Paitsinik piagittâvitsanginnik pimmagiulittuk ilimananninga Kaujimadlugu tamakkua tuttungit mâna pijauttailinitsanginnut, amma killiningit ikajugajattuk nalunianginata tamakkua tuttungit initsakaniammata unutsivallialigunik. Tunitsiviunik tapsuminga nuna-atugialivut Kanuilinganialimmangât kimiggutauniattuk tamât 5 jaret, kamagitsialugillu

### Science Panel Members:

**Dr. Pascal Badiou**  
*Research Scientist for Ducks Unlimited Canada's Institute for Wetland and Waterfowl Research*

**Dr. John Jacobs**  
*Professor of Geography, Memorial University of Newfoundland*

**Dr. Jeremy Kerr**  
*Professor of Biology, University of Ottawa*

**Dr. Micheline Manseau**  
*Professor of Ecology, University of Manitoba's Natural Resource Institute*

**Dr. Gordon Orians**  
*Professor Emeritus of Biology at the University of Washington*

**Dr. Stuart Pimm**  
*Doris Duke Professor of Conservation Ecology at Duke University*

**Dr. Peter Raven**  
*President Emeritus of the Missouri Botanical Garden*

**Dr. Terry Root**  
*Professor of Biology at Stanford University*

**Dr. Nigel Roulet**  
*Professor of Geography at the McGill School of Environment*

**Dr. James Schaefer**  
*Professor of Biology, Trent University*

**Dr. David Schindler**  
*Professor of Ecology, University of Alberta; Chair, Killam Memorial*

**Dr. Jim Strittholt**  
*President and Executive Director of the Conservation Biology Institute*

**Dr. Nancy Turner**  
*Professor of Environmental Studies at the University of Victoria*

**Dr. Andrew Weaver**  
*Professor for the School of Earth and Ocean Sciences at the University of Victoria*

piagittavigikattatangata aulanninganut, allatausimammata taipsumanganit 1970-nit, ammalugiak tiliugivugut isumakakkulutit tamakkuninga piagattavinginnik silittumagikkut tikillugu pijauttailiniammata tamakkua George River tuttungit tamakkunani jarini kaijuni.

Ilitatsigattalu pitakanninganik asinginnik igligijaujunik nunagijangani, ammalu tamakkua kavamait adjigetisigiakammata pijauttailigiakanninginnik pivalliagijaujunullu pivitsakajutsanik, taimak sujauttailititsidluta Inuit ilukusinginnik avatinginnilu iglinattunik ikadlugu angijualuk, apkutikangituk 72,500 km sunakatsiangitumi napattunginnik, sikinganettuni, amma Tachane Labradorip. Malunginattalu tamna atuinnguttitausimajuk tikinianninganik 52% satusajanganigalak atuttausongullunilu nane sollu ilonnagalattik adjigengituk pivalliagutet pikkujaugajanninginnut, taimallu ilanga 48% adjigengitukut kamagijauniammat maligatsatigut, pikkujauniammatalu tamakkutigona siagunittit ilakatillugit pikkujaungituk pivalliagutet amma pijauttailillugit maligait ilimanaluattuniuluak, ukua sullu 14,000 km George River tuttungita piagattavigikattatangit. Kaujimavugullu tamakkua *Maligangauluak Iningani - 2 George River Tuttunginnut Piagattavigikattatagalanga* killingani pijauttailititsiniattut tuttop piagattavinganik ujanianitukalippat, kuatsanattuit asingillu pivalliagasualippata piusingit tavalu pikkujillutik pippangitunik sujudlajukagapat sollu siagunit pinasuagutigilauttavut amma ogannianigilauttavut, niuggukattatut, amma oganniatet pinasuagiattukattatullu. Tamkkutigonali, uppigatta tamna atuttaukujak inikanninganik pivinniagutinnik pivallianiattuk piusikallutik sollu pitsatallutik akigattotigajappata amma kanuigani tamakkununga kampaninut nunalitikaujunullu, taipsumanitsainak paitsisianikalluni pimmagittukut omajuit inigijanginni.

Paitsinik tuttop piagattavinganik sollu nalunaniangilak tamakkua tuttuut piulijaunianninganing, tavatualli uppvugut pitsatallinikut pigutta nalunaikutaugajattuk kamagiamut uminga nunatsuap-nalunanginingagut tuttunginnut. Tunitsiluta tutnunut initsanganik kanuiniangimata, kavama tunitsigajattuk initsanganik sunatuinnanut suliakakattatunut, atuinnguttisinimut amma kamajigi Allanut pigiasikkulugit. Tamna Nunatsiavut kavamanga amma Pravinsinga Newfoundland Labradorilu uvlulet June 30, 2012-munut kimiggugiamut tapsuminga LISA nuna-atulugu atuinnguttigiamut amma kajusiniagamik nalliagut anginiammangammik, anginiangimangammilonet, ugvalu akkisuigi allalutilonet pijagegutimmik. Uvagut pikkujalialiuvugut tamakkua tamaita kavamak sivullititsikulugik sujauttailititsigiamut George River Tuttungita piagattavigikattanginnik, ammalu angilutik sainnilutillu Tamâniuluak Atuinnguttitausimajunik Angajukkausijop pikkujalialiujanginnik tapsuma mitsanut. Taimak tigullugu una piusigijanga, Nunatsiavut amma pravinsinga Newfoundland Labradorilu takutsautillugit silatsuatut tassiuttiuninginnik tamauna sujauttailigitukut ammalu taimatsainakut ilupsikatillugu pivalliatitauniammat.

Ilitarijat,

### **The International Boreal Conservation Science Panel**

*Pascal Badiou, John Jacobs, Jeremy Kerr, Micheline Manseau, Gordon Orians, Stuart Pimm, Peter Raven, Terry Root, Nigel Roulet, James Schaefer, David Schindler, Jim Strittholt, Nancy Turner, and Andrew Weaver*